



Broj: 06-1-07-1-636-1/25
Sarajevo, 17.06.2025. godine
(V.P.)

IZBORNA KOMISIJA OSNOVNE IZBORNE JEDINICE BiH - svi

PREDMET: Izlaganje Privremenog biračkog spiska u neizornoj godini

Poštovani,

S ciljem ispunjavanja odredbi člana 3.2 tačka (2) Izbornog zakona BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), kojim je propisano da se Izvodi iz Centralnog biračkog spiska objavljuju dva puta godišnje u neizornoj godini, Centralna izborna komisija BiH preduzela je potrebne aktivnosti.

Članom 3.1 tačka (4) i tačka (5) Izbornog zakona BiH, propisano je da:

- Birač ostvaruje pravo uvida u svoje lične podatke evidentirane u izvodu iz Centralnog biračkog spiska neposrednim uvidom na internetskoj stranici Centralne izborne komisije BiH putem unošenja relevantnih ličnih podataka i/ili na drugi adekvatan način koji podzakonskim aktom utvrdi Centralna izborna komisija BiH.
- Javnost ostvaruje pravo uvida u izvode iz Centralnog biračkog spiska izlaganjem privremenih izvoda iz Centralnog biračkog spiska putem internetske stranice Centralne izborne komisije BiH ili na drugi adekvatan način koji podzakonskim aktom utvrdi Centralna izborna komisija BiH, vodeći računa o principima zaštite ličnih podataka.

Centralna izborna komisija BiH na osnovu član 3.1 tačka (4) i tačka (5) Izbornog zakona BiH donijela Pravilnik o dopunama Pravilnika o upotrebi i izradi izvoda iz Centralnog biračkog spiska, broj: 05-1-02-2-578-2/24, kojim je propisano sljedeće:

- U neizornoj godini se Izvodi iz Centralnog biračkog spiska izlažu na uvid javnosti dva puta, i to prvi put najkasnije do kraja juna, a drugi put najkasnije do kraja decembra kalendarske godine.
- Izvodi iz Centralnog biračkog spiska se dostavljaju izbornim komisijama i Centrima za birački spisak, a sadrže osnovne podatke birača: ime (ime roditelja), prezime, latiničnim i ćiriličnim pismom, pol, šifra adrese i datum rođenja.
- Izvod iz Centralnog biračkog spiska se izrađuje na obrascu IPCBS koji je sastavni dio Pravilnika o upotrebi i izradi Centralnog biračkog spiska, bez podataka o jedinstvenom matičnom broju i adresi birača.

- Izborne komisije osnovne izborne jedinice u BiH dužne su izložiti izvode iz Centralnog biračkog spiska, kako bi državljani sa biračkim pravom imali pristup istim i mogli provjeriti i izvršiti ispravku ili dopunu svojih podataka kod nadležnog organa.
- Izborne komisije dužne su putem zvanične internet stranice, društvenih mreža, lokalnih medija, kao i na drugi pogodan način, obavjestiti birače da se izvod iz Centralnog biračkog spiska nalazi u Centru za birački spisak, kao i na drugim pogodnim lokacijama na kojima su izloženi, kako bi mogli provjeriti i po potrebi izvršiti ispravku ili dopunu svojih podataka ili provjeriti biračku opciju. Uz saopštenje se objavljuje i Vodič za prijavu podataka o umrlim osobama u podacima privremenog/centralnog biračkog spiska.
- Izborne komisije su dužne obavjestiti Centralnu izbornu komisiju BiH o načinu obavještanja javnosti.
- Ukoliko se utvrdi da na Privremenom biračkom spisku ima umrlih birača potrebno je postupiti u skladu sa Vodičem za prijavu podataka o umrlim osobama u podacima privremenog/centralnog biračkog spiska
- Izvod iz Centralnog biračkog spiska se u neizbornoj godini ažurira i na web stranici Centralne izborne komisije BiH, putem web servisa „Da li ste registrirani“ a o navedenom se putem saopštenja informiše javnost.

S tim u vezi potrebno je da postupite kako je propisano odredbama Pravilnika o dopunama Pravilnika o upotrebi i izradi izvoda iz Centralnog biračkog spiska, kao i da vodite evidenciju o građanima koji su obratili u Centru za birački spisak ili su pristupili drugim lokacijama na kojima su izloženi Privremeni birački spiskovi, ličnim dolaskom ili telefonskim putem, i da po isteku roka za izlaganje o tome informišete Centralnu izbornu komisiju BiH kao i o svim drugim preduzetim radnjama.

Takodođer, u prilogu akta dostavljamo vam linkove i Uputstvo za elektronsko preuzimanje Izvoda iz Privremenog biračkog spiskova, kao i Vodič za prijavu podataka o umrlim osobama u podacima privremenog/centralnog biračkog spiska.

S poštovanjem,

Dostaviti: - Naslovu
- a/a



Predsjednica

Dr. Atena Hadžiabdić